

Қазақстан Республикасының Үкіметі мен Болгария Республикасының Үкіметі арасындағы Келісімді бекіту туралы

Қазақстан Республикасы Министрлер Кабинетінің қаулысы 17 қантар 1994 ж. N 68

1. Қазақстан Республикасының Үкіметі мен Болгария

Республикасының Үкіметі арасындағы сауда-экономикалық ынтымақтастық туралы 1993 жылғы 30 шілдеде Алматы қаласында қол қойылған Келісім бекітілсін.

2. Қазақстан Республикасының Сыртқы істер министрлігі болгар тарапын осы Келісімнің күшіне енгендігі жөнінде хабардар ететін болсын.

Қазақстан Республикасының
Премьер-министрі

Қазақстан Республикасы Үкіметі мен Болгария Республикасы Үкіметі
арасындағы сауда-экономикалық ынтымақтастығы туралы
КЕЛІСІМ

Бұдан әрі Жақтар деп аталатын Қазақстан Республикасы Үкіметі
мен Болгария Республикасы Үкіметі:

екі ел арасындағы сауда-экономикалық ынтымақтастықты дамытудың зор маңызын түсіне отырып,

екі мемлекеттің қоғамдық-экономикалық өмірінде болып жатқан түбебейлі өзгерістерді ескеріп,

егемен теңдік, өзара тиімділік принциптерін және халықаралық құқықтың жалпы танылған басқа да принциптері мен нормаларын басшылыққа ала отырып, мына төмендегілер туралы уағдаласты:

I - Б А П

1. Екі Жақ мына төмендегілерге қатысты барлық мәселелер де бір-біріне мейлінше
қ о л а й л ы л ы қ р е ж и м і н ж а с а й д ы :

импорт пен экспортқа немесе соларға байланысты салынатын кедендік баж салығы мен кез келген алым түрлері, оның ішінде осындай баж салықтары мен алымдарды
өндіртіп ауданын әдісі;

импорт пен экспорттың ақысын төлеу және мұндай төлемдерді халықаралық аудару
әдістепі;

импорт пен экспортқа қатысты ережелер мен ресми істер, бұларға кедендік тазартуға, транзитке, қоймаларға салуға және қайта тиеге қатыстылары да жатады;

импортталатын тауарларға тікелей немесе жанамалап қолданылатын салықтар мен
басқа да кез келген ішкі алымдар;

ішкі рынке сатуға, сатып алуға, тасымалдауға, бөлуге, сактауға және пайдалануға
қатысты ережелер.

2. I-пункттің ережелері мына төмендегілерге қолданылмайды:

Шекара бойындағы сауданы жеңілдету үшін әр Жақтың көрші елдердің пайдалануына арнап жасалған немесе жасауы мүмкін артықшылықтары;

екі Жақтың әрқайсының қазіргі бар немесе келешекте құрылуы мүмкін кедендік одақтарға немесе еркін сауда аймақтарына мүшелігінен туындастын артықшылықтар;

тарифтер және /ГАТТ/ туралы Бас Келісімге сәйкес үшінші бір елдерге жасалатын артықшылықтар және ГАТТ-пен басқа да халықаралық келісімдерге сәйкес дамушы елдерге жасалатын артықшылықтар.

2 - Б А П

Тауарлар беру мен қызметтер көрсету бұдан әрі "субъектілер" деп аталатын, сыртқы экономикалық қызмет атқаруға құқысы бар занды мекемелер мен адамдар арасында осы Келісімнің ережелеріне және әр елдің зандарына сәйкес жасалған келісім-шарттар негізінде жүзеге асырылатын болады.

3 - Б А П

Тауарлар беру және қызметтер көрсету үшін барлық есеп айырысу және төлемдер халықаралық рынке тардағы бағалар және халықаралық сауда, қаржы және банкі практикасында қабылданған шарттар бойынша еркін конвертиленетін валюта арқылы жүзеге асырылатын болады.

4 - Б А П

Қазақстан Республикасы мен Болгария Республикасының өкілетті білікті органдары, егер қажетті болса, Субъектілерге өздерінің арасында жасалған келісім-шарттар бойынша тауарлар беру және қызметтер көрсету үшін өздерінің ұлттық зандарына

сәйкес дер кезінде лицензиялар беріп отыратын болады.

5 - Б А П

Екі Жақ ақпараттар, атап айтқанда сауда-экономикалық және валюта-қаржы қатынастарына қатысты заңдар мен басқа да нормативтік актілер саласында ақпараттар алмасуды жүзеге асыру кезінде, екі ел арасындағы сауда-экономикалық байланыстарды кеңейтуге жәрдемдесетін жәрменкелер, көрмелер және басқа да шараларды ұйымдастыруды бір-біріне көмек көрсетіп отыратын болады.

6 - Б А П

Әр Жақ өзінің заңдарына сәйкес өз территориясында екінші Жақтың сыртқы экономикалық ұйымдарының өкілеттері ашылуына және қызмет істеуіне, сондай-ақ екі елдің сауда делегацияларын алмасып отыруына жәрдемдесетін болады.

7 - Б А П

Екі Жақ әрқайсысының өз заңдарына сәйкес өндірістің кооперациялауын ұлғайтуға, бірлескен кәсіпорындар құрылуына, ынтымақтастықтың басқа да түрлерін дамытуға және енгізуге жәрдемдесетін болады.

8 - Б А П

Екі Жақ ғылым мен техника, ғылыми зерттеулерді ұйымдастыру, ғылыми және техникалық құжаттамалар алмасу саласындағы ынтымақтастықты дамытуға көмек көрсетіп отыратын болады.

- Екі Жақ алдымен төмендегі бағыттарға ынтымақтастық жасау мүмкіндіктері бар екеніне келісті;

- қайта өндеу, жеңіл және тамақ өнеркәсібі;
- фармацевтика өнеркәсібі;
- көлік, байланыс және телекоммуникациялық жүйелер;
- ауыл шаруашылығы;
- туризм.

9 - БАП

Екі Жақтың елдері арқылы жүктер мен жолаушыларды тасымалдау

және транзит өз алдына бөлек келісім бойынша айқындалатын болады.

10 - БАП

Осы Келісімнің орындалу барысын қарастыру үшін екі Жақтың өкілетті өкілдері алма-кезек Алматы мен Софияда кездесулер өткізіп тұратын болады, ал қажетті болған жағдайда тиісті шаралар қолданады.

11- БАП

Екі Жақ осы Келісімнің орындалу барысын қарастыру және сауда-экономикалық ынтымақтастығын дамыту жөнінде нақты шаралар қолданып отыру үшін сауда-экономикалық және ғылыми-техникалық ынтымақтастық жөніндегі Комиссия
к ұ р у ғ а к е л і с т і .

1 2 - Б А П

Екі Жақ Субъектілері арасындағы даулар келісім-шарт жасасқан Жақтар арасындағы келісім-шарттарға немесе жекелеген жазбаша келісімдерде айтылған уағдаластықтарға сәйкес шешіліп отыратын болады.

Тұындаған дау жөніндегі төрелік соттың шешімдерін екі Жақтың Субъектілері міндетті түрде орындаулары тиіс.

Әр Жақтың өз елінің территориясында төрелік соттың шешімдерін қолданатын және орындаратын пәрменді құралдар болуын қамтамасыз етеді.

13 - БАП

Бұл Келісімге екі Жақтың келісуімен өзгертулер немесе толықтырулар енгізіле алады.

14 - БАП

Бұл Келісім екі Жақ ноталар алмасып, келісімнің күшіне енуі үшін қажетті ресми занды істердің орындалғаны туралы бір-бірін хабардар еткеннен кейін күшіне енеді және бес жыл мерзім бойына қолданылатын болады.

Бұдан кейін, егер екі Жақтың бір де бірі Келісімнің қолданылу мерзімі аяқталардан алты ай бұрын оның күшін тоқтатпақшы екенін жазбаша түрде хабарламаса, бұл Келісім күшінде қалып, оның қолданылу мерзімі әрбір келесі бес жылға өз-өзінен-ақ жағаса береаді.

Бұл Келісім екі Жақтың қайсысының болса да мәлімдемесі бойынша бұзылуы мүмкін және оның бұзылатынын хабардар еткен нота алынған күннен кейін алты ай еткен соң күшін айрылады.

Осы Келісімнің қолданылу күші жойылған жағдайда, оның

ережелері осы Келісімге сәйкес жасалған барлық келісім-шарттарға, олардың осы Келісім қалдырылған кезде туындалап, Келісімнің күші жойылғанға дейін орындалмай қалған міндеттемелеріне қолданыла береді.

1993 жылғы 30 шілдеде Алматы қаласында, әрқайсысы қазақ, болгар және орыс тілінде түпнұсқа екі дана етіп жасалды және де текстердің бәрінің де күші бірдей.

Қазақстан Республикасы
Үкіметі үшін

Болгария Республикасы
Үкіметі үшін